



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 414
e – mail: info@voda.ba

Broj: **UP-1/21-3-40-129-4/22**
Datum: **03.06.2022. godine**

«Agencija za vodno područje rijeke Save» Sarajevo rješavajući po zahtjevu pravnog lica Rudnik mrkog uglja «Kakanj» d.o.o. Kakanj za izdavanje vodne dozvole za ispuštanje tehnoloških otpadnih voda sa lokaliteta pogona «Haljinići» u naselju Haljinići, općina Kakanj, na osnovu člana 109. stav 1. tačka 2. i 3. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola pravnom licu Rudnik mrkog uglja «Kakanj» d.o.o. Kakanj za ispuštanje tehnoloških otpadnih voda sa lokaliteta pogona «Haljinići» u naselju Haljinići, općina Kakanj.
2. Vodna dozvola se daje na osnovu pregleda dostavljene investiciono tehničke dokumentacije te utvrđenog činjeničnog stanja i pod sljedećim uslovima:
 - 2.1. Da se objekti čija je svrha prikupljanje, odvodnja i tretman tehnoloških otpadnih voda (postrojenje za tretman otpadnih voda, separatori ulja i masti, taložnice, kanalizaciona mreža) redovno održavaju i koriste na način koji će obezbijediti njihovu potpunu ispravnost i funkcionalnost, tj. da se poduzmu sve neophodne mjere kako bi parametri kvaliteta efluenta bili u granicama propisanih vrijednosti definisanih u tabeli 1. u prilogu 18 Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20).
 - 2.2. Da se redovno vrši skupljanje čvrstog opasnog i neopasnog otpada sa kompletnog kruga pogona, isti propisno skladišti do njegovog konačnog zbrinjavanja od strane ovlaštene organizacije.
 - 2.3. Da se obezbijedi siguran način sakupljanja i skladištenja starog ulja i masti do njihovog konačnog zbrinjavanja od strane ovlaštene organizacije uz odgovarajući ugovor.
 - 2.4. Da se redovno vrši održavanje korita rijeke Trstionice kao i glave ispusta na svim registrovanim ispusnim mjestima.
 - 2.5. Da se, putem ovlaštene laboratorije, vrše redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. gore navedene Uredbe. Rezultate analiza dostaviti ovoj Agenciji.
 - 2.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
3. Vlasnik, odnosno korisnik objekta je obavezan voditi propisane evidencije te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada. Preostali dug za 2021.godinu platiti u roku i iznosu prema Zapisniku broj: 50-624-1/22 sačinjenom 26.05.2022.

godine u toku kontrole izmirivanja obaveza na osnovu opšte vodne naknade i posebnih vodnih naknada izvršene od strane predstavnika ove Agencije.

4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvjestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. U periodu važenja ove dozvole, korisnik je dužan provoditi sve mjere i aktivnosti propisane istom.
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog pogona obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
8. U ovoj upravnoj stvari plaćene su sve upravne pristojbe.
9. Ova vodna dozvola, shodno članu 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja
10. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Od strane pravnog lica Rudnik mrkog uglja «Kakanj» d.o.o. Kakanj, dana 14.03.2022. godine podnesen je ovoj Agenciji zahtjev za izdavanje vodne dozvole za ispuštanje tehnoloških otpadnih voda sa lokaliteta pogona «Haljinići» u naselju Haljinići, općina Kakanj.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjerena kopija Rješenja o izmjenama podataka o registraciji broj: 043-0-Reg-21-000331 izdatog dana 02.04.2021. godine od strane Općinskog suda u Zenici,
- Ovjerena kopija Rješenja o promjeni naziva i adrese obveznika indirektnih poreza, broj: 04/1-17-1-UPJR/1-5731-1/20 izdatog dana 23.10.2020.godine od strane Uprave za indirektno-neizravno oporezivanje
- Ovjerena kopija Uvjerenja o registraciji/upisu u Jedinostveni registar obveznika indirektnih poreza, broj: 04-1-17-1-UPJR/1-5731-2/20 izdatog dana 23.10.2020. godine od strane Uprave za indirektno-neizravno oporezivanje,
- Ovjerena kopija Uvjerenja o registraciji poreznog obveznika izdatog 26.10.2020. godine od strane Porezne uprave Federacije BiH – Kantonalni ured Zenica,
- Ovjerena kopija Obavještenja o razvrstavanju pravnog lica prema klasifikaciji djelatnosti, broj 07-32.5-6360/15 izdatog 23.03.2015. godine od strane Službe za statistiku za područje Zeničko-dobojskog kantona,
- Punomoć zastupnika podnosioca zastupnika, broj: 01-D-01-2578/22 od 04.03.2022. godine,
- Kopija Rješenja o vodnoj dozvoli broj: UP-I/25-3-40-054-6/17, izdatog 26.05.2017. godine od strane «Agencije za vodno područje rijeke Save» Sarajevo,
- Opći akt o održavanju, korištenju i osmatranju vodoprivrednih objekata RMU «Kakanj» d.o.o. Kakanj
- Izvještaj o monitoringu kvaliteta i kvantiteta otpadnih voda RMU «Kakanj», pogon Haljinići, Kakanj, broj: 134/22 urađen 14.02.2022. godine od strane «Inspekt - RGH» d.o.o. Sarajevo,
- Izvještaj o rezultatima ispitivanja tereta zagađenja otpadnih voda RMU «Kakanj», pogon Haljinići, Kakanj, izraženog preko EBS-a, broj: 13/20 urađen 29.05.2020. godine od strane «Inspekt - RGH» d.o.o. Sarajevo,

- Kopija Ugovora o čišćenju taložnih bazena, sklopljenog 31.07.2019. godine sa «IGM» d.o.o. Visoko,
- Kopije zapisnika o završenom odvozu ugljenog mulja prilikom čišćenja taložnih bazena od 25.09. i 09.10.2019. godine i 04.11.2020. godine,
- Glavni projekat za razdvajanje otpadnih voda kao i vanjsko uređenje kruga i odvodnjavanje zauljenih voda pogona «Haljinići», urađen juna 2011. godine od strane «Saraj inženjering» d.o.o. Sarajevo,
- Kopija uplatnice upravne takse

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 3. iz starog Rješenja o vodnoj dozvoli (broj: UP-I/25-3-40-054-6/17 od 26.05.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada, konstatovano je da je RMU «Kakanj» d.o.o. Kakanj postupio po Zapisniku broj 50-624-1/22 od 26.05.2022.godine i uplatio dug zaključno sa 31.12.2020. godine, a preostali dug za 2021. godinu će platiti u roku 30 dana, kako i stoji u Zapisniku.

U skladu sa članom 12. stav (5) i (6) Pravilnika o sadržaju, obliku i uvjetima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog pogona u naselju Haljinići, općina Kakanj i tom prilikom sačinjen je zapisnik o uviđaju broj: UP-1/21-3-40-129-3/22 od 24.05.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Pogon «Haljinići» smješten je u naselju Haljinići uz regionalni put Kakanj-Kraljeva Sutjeska i to na dva lokaliteta. Na prvom lokalitetu smještena je upravna zgrada sa kupatilima i priručnom kuhinjom, a na drugom lokalitetu je ulaz u jamu, ambulanta, mašinska radionica, Remiza Dizel schart-a, elektroradionica i pilana.

Sanitarno-fekalne i upotrijebljene vode sa prvog lokaliteta odvođe se na postrojenje za tretman otpadnih voda sa prelivom prečišćenih voda u rijeku Trstionicu.

Sanitarno fekalne otpadne vode iz ambulante, na drugom lokalitetu, odvedene su na septičku jamu sa prelivom prečišćenih voda u rijeku Trstionicu.

Tehnološke otpadne vode koje nastaju na lokalitetu radionice od pranja rezervnih dijelova i radno-manipulativnih površina, prikupljaju se zasebnim sistemom kanalizacije i odvođe na dva separatora ulja i masti sa prelivima u mjesnu kanalizaciju sa krajnjim ispustom u rijeku Trstionicu.

Jamske vode ispuštaju se, bez prethodnog tretmana, u rijeku Trstionicu.

Redovno se vrši monitoring kvaliteta i kvantiteta otpadnih voda prije ispusta u recipijent. Prema dostavljenom Izvještaju parametri kvaliteta otpadne vode zadovoljavaju kriterije navedene u Uredbi o uslovima ispuštanja otpadnih voda u okoliš i sisteme javne kanalizacije.

Ispitivanjem je utvrđen ukupni teret zagađenja otpadnih voda izražen preko ekvivalentnog broja stanovnika od 2901,9 ES-a.

Podnosilac zahtjeva uplatio je posebne troškovi prema Zaključku ove Agencije broj: UP-1/21-3-40-128-2/17 od 21.04.2022. godine.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog pogona i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09,

79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka konstatuje se da je podnosilac zahtjeva, RMU «Kakanj» d.o.o. Kakanj ispunio minimum uslova za donošenje rješenja o vodnoj dozvoli za ispuštanje tehnoloških otpadnih voda sa lokaliteta pogona «Haljinići» u Kakanju, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 08/00, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obrađivač akta:

Roksanda Školjić, dipl.ing.građ



Po ovlaštenju:

Rukovodilac sektora za izdavanje vodnih akata

Paris Ališehović
Paris Ališehović, dipl.inž.građ.

Dostaviti:

- RMU «Kakanj» d.o.o. Kakanj
ul. Alije Izetbegovića br 17, 72240 Kakanj
- AVP Sava, ISV-vodna knjiga
- sektor 50
- sektor 40 – arhiva
- oglasna ploča – AVP Sava